

養素堂文集

養素堂文集卷十

荅威張 澍介侯

考一

九丘考

左傳楚靈王稱倚相能讀三墳五典八索九丘八索之說  
後儒多言之獨未有考及九丘者吾嘗讀山海經而得之  
海內經曰南海之外黑水青水之間有若木有鹽長有九  
丘以水絡之名曰陶唐之丘叔得之丘孟盈之丘昆吾之  
丘黑白之丘赤望之丘參衛之丘耄夫之丘神民之丘其  
數適九謂非古之九丘乎郭注陶唐堯號昆吾此山出名

金尸子云昆吾之金荏夫此山出美石神民言上有神人  
餘無注愚竊以景純之注疏畧無當也蓋此九丘皆以古  
帝王棲止得名陶唐人習知之叔得當卽叔歆叔歆顓頊  
之子孟盈宜作蓋盈古天子號循蜚紀蓋盈氏若水之閒  
禹中之地有蓋盈之丘是其墟也淮南子昆吾在南方注  
云祝融之孫陸終之子爲夏伯亦見大戴禮帝繫篇黑白  
或是黑齒爲黃帝之子孫一云姜姓帝俊之裔見大荒東  
經參衛或是參胡世本陸終子曰惠連是爲參胡赤望或  
卽赤誦爲赤松也黃帝臣一云炎帝之師或又以爲赤奮  
若潛夫論云天地開闢爰有神民民神異業精氣通行一

曰神皇氏春秋命秣序云神皇氏駕六蜚鹿政三百歲文  
選天台賤注作神人者避唐諱耳郭璞注之神人亦當作  
神民猶之言長畱之山其神白帝少昊居之渤海神蓐收  
居之也荅夫本人名居此山山以之名出美后亦以名之  
在長沙又或爲荅羅青要之山神荅羅司之荅羅古國名  
夸羿之賢臣亦名爲荅羅非此夫黑白赤望荅夫余雖有  
妄測而古籍散逸究莫由質實矣噫成鳩大遄果是何代  
之皇大訓九原卻在妣氏之世竊謂夏后平水土時夸堅  
化益諸人乘躋周流匡贊之暇作爲此書耳觀今文尚書  
大禹謨之上闕汨作九共書序云共九篇大傳引九共云

予辯下土使民平平使民無傲據此爲地理之書無疑劉  
原父以九共卽九丘丘與共字形相近其說爲是孔安國  
尚書序曰仲尼述職方除九丘又云九州之志謂之九丘  
丘聚也言九州所有土地所生皆聚此書也夫九州禹貢  
旣言之矣何又有書張衡云九州周之九州夫周之九州  
而列於唐虞之書哉衡又云九丘周礼之九刑丘空也空  
設也馬融亦言九丘九州之數悉無佐證未可依據或又  
以丘爲區如鬼容區爲鬼與丘賈逵曰九丘爲九州亡國  
之戒其說皆非也明明有九丘而乃以九州當之可乎

姚虛考

孝經援神契云舜生於姚虛卽東郡也括地志云姚虛在濮州雷澤縣東十三里會稽舊記云舜上虞人去虞三十里有姚丘卽舜所生也周處風土記云舜東齊之人生姚丘括地志又云餘姚縣有歷山舜井又有姚虛云生舜處也然考元和志云滹沱水出河東縣南雷首耆卽書所謂釐降之所括地志云媯州有媯水源出城中舊舊傳云舜釐降二女於媯汭之所水經注云幹橋東北有虞城堯以女嬪於虞之地顧野王云越州餘姚舜後支庶所封舜姚姓故曰餘姚酈道元云虞濱西三十里有虞山餘姚縣西七十里有濠上虞故縣太康地記謂帝舜避丹朱於此故

縣北有百官橋一曰舜橋也是濮州河東媯州越州皆非  
舜所生之區矣世本云饒內舜所居一佗媯虛帝王世紀  
佗姚虛杜岐公曰饒內卽周語之羸內晉媯汭瀋書地理  
志瀋中郡西城下注應劭曰世本媯虛在西北舜之所居  
水經注引世本云舜居媯汭在瀋中西城縣或言媯虛在  
西北舜所居也或佗姚虛路史引世本云媯虛在西城西  
舜之居穎容釋例亦謂舜居西城西瀋地理志右扶風陳  
倉有舜帝祠初學記云西城故城云有虞舜祠贊因生育  
之鄉廟貌祀之以著地靈耳蓋舜母握登見大虹意感而  
生舜於姚虛因生以爲姓故世本又曰帝舜姚姓也而許

慎亦云虞舜居姚虛因以爲姓至胡公滿周乃賜姓媯張  
守節謂瞽叟已姓媯非也皇甫謐以舜居虞地以虞爲氏  
亦誤虞思猶姓姚矣然姚虛在西城而今安康有姚虛者  
西城本魏之安陽縣晉太康初改爲安康故皇甫謐云安  
康謂之媯虛或謂之姚虛也通典金州西城縣有媯虛原  
舜生於姚虛因上世采地在虞徙居之遂漁於濟陰之雷  
澤佗什噐於成陽蒲州之閒就時於衛之負夏耕於齊之  
歷山孟子遂以東夸之人目之耳若長沙之媯水因巡狩  
駐驛而名下雒潘城之媯又予王契所受封俱無與於有  
鰥矣後漢鄭弘上書云舜生於姚虛信爲腐說彼司馬子



長以舜爲冀州人得毋據其所遷者而稱之乎水經注旣引世本之言西城媯虛爲舜居又云瀼水東歷姚方蓋舜後枝居地故畱姚稱前後矛盾矣

有媯考

呂氏春秋云有媯氏二佚女搏燕覆以玉筐得遺卵二女作歌始爲北音史記云契母簡狄有媯氏之女三人行浴見予鳥墮卵吞之古史考云有媯氏與宗婦三人浴於川列女傳云簡狄有媯氏之長女也與其妹娣浴於予丘之水宋羅長源謂予丘之水卽晉丘之水今浚儀清丘一曰予池樂史寰宇記亦謂媯女簡狄浴於晉丘之水有予鳥

遺卵吞之卽青丘之乎池然淮南子墜形訓云有娥在不  
周之北長女簡狄次女建疵相與浴於乎水余按乎水卽  
今張掖之黑水故太平御覽引張掖記云黑水出縣界雞  
匡山亦名乎圃昔有娥氏女簡狄浴於乎止之水卽黑水  
也若馬遷言桀敗於有娥之虛張守節正義謂有娥在蒲  
州蓋東邊旣爲帝嚳所娶處於陝號之圃本其所生錫名  
此地以圃懷土之意猶之女嬭生於巴郡而九江壽春有  
山姜嫄育自塗功而章丘龍蟠有跡皆因游止之蹤而稱  
之非其質也楚辭天問云黑水乎趾三危安在乎趾卽張  
掖記之乎止止與趾同故詩麟之趾古佗止左傳舉趾高

漢書引作止高誘曰止足也鄭注士昏礼曰古文止作趾也而離騷經序西游言白水卽河圖所云崑侖山出五色水其白水入中國名爲河也言蘭風卽水經注所言崑侖之上有樊桐乎圃增城蘭風也言豐隆卽穆天子傳所云天子升於崑侖觀黃帝之宮而封豐隆之葬也言窮石卽淮南子所云弱水源出窮石山括地志所云蘭門山一名合黎山一名窮石山也言洧盤卽郭景純注山海經引禹大傳云洧盤之水出崦嵫山十道志昧谷在秦西縣南名兌卽一曰奄茲也而又繼之曰崑瑤瑤之偃蹇兮見有娥之佚女瑤瑤卽閼不韋所謂九成之臺者則有娥之在不

周斷斷無疑路史謂有娥在西方去佶都太遠不知黃帝都彭城顓祖乃出西陵高辛居殷亳慶都乃產常辛荀屬絲縉千里典雁豈必望衡對宇始結昏媾哉宋書符瑞志言簡狄以春分乎鳥至之日從帝祀郊禘有乎鳥銜卵而墜簡狄吞之孕生髡歐陽修蘇洵皆謂無吞卵之事按秦本紀云女脩織紉乎鳥隕卵女脩吞之生子大業則吞卵者不止簡狄矣亦豈在春分日哉古人誕降恢奇不常否則履巨人跡生民詩之敘姜嫄豈嚮壁虛造乎

塗山考

晉太康三年地記古當塗國夏禹所娶也西南有禹邨今

九江當塗縣有禹娶之地皇甫謐云今九江當塗有禹廟則塗山在江南世紀云塗山氏合昏于台桑之野鍾離西七十里卽當塗縣杜預云塗山在壽春東北輿地記謂卽禹所娶塗山氏國呂氏春秋云禹娶塗山氏不以私害公自辛至甲四日復往治水說文云九江當塗民以辛壬癸甲之日嫁娶云故江淮之俗以辛壬癸甲爲嫁娶日而吳越春秋越絕等書又云禹娶會稽塗山應劭云在永興北永興今蕭山也余按禹娶塗山乃蜀巴縣之塗山非壽春會稽之塗山也水經注云江州縣水北岸有塗山南有夏禹廟塗君祠廟銘存焉寧陽國志云禹娶于塗山今江州

塗山帝禹之廟銘存焉杜預亦云巴縣有塗山禹所娶山  
有禹王及塗后祠陶宏景水仙賸云塗山石帳天后翠幙  
指此東瀝郡國志云塗山在巴郡江州爲重慶巴縣至今  
洞曰塗洞卽曰塗邨灘曰遮夫石曰啓母也酈善長庾仲  
雍竝以爲禹娶於江州之塗山夫禹之娶于蜀豈獨以生  
于蜀哉蓋其祖昌意爲黃帝次子娶蜀山氏昌僕生帝顓  
頊乾荒亦娶蜀山氏淖子禹之不得遠締姻也亦人情矣  
當塗山氏遠適鳴條思戀本國築乃清臺還望蜀土猶陝  
虢峙有娥之虛章丘畱姜嫄之跡而會稽爲計功之地壽  
春爲大會諸侯之所均非賸雄狐九尾之處矣顏師古瀝

書注引淮南子云禹治洪水過轅轅山謂塗山氏曰欲餉  
聞鼓聲乃來禹化爲熊跳石誤中鼓塗山氏來見禹慚而  
去嵩高山下化爲石禹曰歸我子石破北方而生啓夫禹  
治水詎無官師役從何至使后持饁如田家婦其謬不待  
辯而嵩陽啓母廟前有高二丈中裂之石蓋爲無稽且旣  
爲石矣登封之墓又何爲者考盧元明嵩高山記昔陽翟  
有婦人孕身三十月乃生子從母嵩山五歲偃入此山學  
道神明爲母立祠因號曰啓母石是嵩高之祠非高密之  
配從以同爲啓母因疑相混也倦游錄云三門禹廟神儀  
侍衛極肅後殿一壇裘像侍衛皆胡人云是禹婦翁呂氏

春秋塗山氏佗歌以候其伯姬是塗山氏有姊也又云禹  
省南土塗山氏之女令妾待禹于塗山之陽是禹有妾也  
楊炯少姨廬記瀝地理志嵩高少室之廬其神爲婦人像  
故老相傳啓母塗山氏之妹是塗山氏有妹也孔緯舍文  
嘉云禹盡力溝洫百穀用成天降玉女一佗天降聖姑聖  
姑未知卽指塗山氏否若世本言塗山氏名女媧連山易  
言塗山氏名攸女古今人表言名女媧大戴孔吳越春秋  
廣雅佗女媧一佗女媧云

### 南巢考

山海經成湯伐夏桀于章山呂氏春秋未接刃而桀忝逐



之至大沙墨子湯放桀于大沙史記桀敗于有娥之虛犇  
于鳴條湯伐三鬯逸周書成湯將放桀于仲野桀去之不  
齊又之魯而後奔南巢帝王世紀湯放桀于歷山與妹喜  
眾妾同舟浮江奔南巢之山而死淮南子湯以革車三百  
乘伐桀南巢放之于夏臺竹書紀年帝癸三十一年商師  
征三朥戰于郕呂氏春秋亦云獲桀于焦門放之于南巢殷成湯  
二十季桀卒于亭山荀子同禁絃歌舞是桀奔放死卒之地  
言人人殊余反覆稽考則無不合蓋湯初與桀戰于有娥  
之虛在蒲州又與韋顧拒湯于華桀敗奔于鳴條在蒲州安邑縣蓋鳴  
條有二陳畱平丘縣有鳴條亭東鳴條也蒲州安邑縣有  
鳴條陌西鳴條也東鳴條舜之卒地西鳴條爲桀所奔者

史記所言是也湯又敗桀于歷山

在齊卽左傳之歷下

桀禘之章山

湯又伐桀于章山

名大沙見山經郭注在江夏竟陵今鍾祥縣界古文以爲內方山

山海

經呂氏春秋墨子所言是也桀于是同妹喜眾妾同舟浮

江奔南巢之山帝王世紀所言是也湯又以革車三百乘

伐桀于南巢戰于郕

在兗州泗水縣

淮南子竹書紀年所言是也

湯又獲桀于焦門而囚之淮南子竹書紀年所言是也後

桀卒于亭山

卽焦湖中之山

亦竹書紀年所言是也弟有可疑者

淮南子旣云放之夏臺矣又云整兵鳴條困夏南巢譙以

其過放之歷山若歷山卽在南巢者而與世紀所云敗歷

山始浮江奔南巢者不合淮南子之歷山

尸子亦云放之歷山非也當

伯亭山爲是

高誘注爲歷陽之山非

且夏臺

路史伯均臺一伯重泉在馮翊

桀昔以

之囚湯今仍以之放桀本欲蓄出爾反爾之報遂不顧道

里之迂回矣蓋大沙章山鳴條仲野三脰歷山有娥皆爭

戰之所非放地也放地以今之巢縣爲確

括地志亦云

而李宏

憲元和縣志謂楚有二南巢一在廬江六縣一在彭澤縣

東四十二里桀所奔之南巢在彭澤誤矣夫桀之奔于巢

蓋依巢伯也李氏旣以廬州之巢爲古巢伯之國而復以

南巢爲非桀所奔地何矛盾之甚耶輿地志巢縣臥牛山

有桀王城晉地理志注云桀死于此今巢縣有巢湖亦名

焦湖焦巢聲相近前漢地理志沛郡有譙縣卽巢縣也淮

南子之焦門亦卽巢門呂氏春秋當在焦湖之閒也晉志  
以焦爲又考紀年桀伐岷山氏得二女曰琬曰瑗刻其名  
娥地非于苕華之玉而棄其元妃于洛元妃卽妹喜也芻午倉卒  
之時安得與妹喜同乘舟乎此皆係譌傳者

### 曲江在廣陵考

按浙江一名漸江山海經云浙江出三天子都水經作漸  
江出三天子都注云卽浙江也虞喜云今錢塘江口浙江  
正居江中潮水投山下折而曲一云江有反濤水勢折歸  
也盧肇云浙者折也蓋取其潮出海曲折而倒流也亦名  
淞河莊子所謂淞河之水有吞天沃日之勢謝康樂云淞

河之水栖遲山澤是也又名曲江曲乃折之謂也見郡縣  
釋名然枚乘七發所云八月觀濤於廣陵之曲江自在今  
之揚州故蕭子顯南齊書州郡志云廣陵爲兗州鎮瀛故  
王國土甚平曠有江都浦水刺史每以秋月多出海陵觀  
濤與京口對岸江之壯濶處也蓋海陵卽廣陵則非杭州  
之羅刹江可知朱氏彝尊旣信錢惟善之妄言近人洪震  
暄遂謂丹徒大江終古無濤尤屬謬戾按山謙之南徐州  
記云京江禹貢北江也濶漫三十里通望大壑常以春秋  
朔望輒有大濤聲勢駭壯極爲奇觀濤至江乘北激赤岸  
尤更迅猛京江卽京口丹徒江今之鎮江何以云無濤又

南苑州記云瓜步山東五里有赤岸南臨江中潮水自海入江衝激六七百里至此岸側其勢始衰卽郭景純江賦所云鼓洪濤於赤岸淪餘波於柴桑也亦卽枚乘七發所云凌赤岸簷扶桑也江賦注赤岸在廣陵興縣樂史云赤岸山在六合東三十里高十二丈周四里土色皆赤因名夫觀濤廣陵厥有明證安得以浙江亦名曲江遂嫁之耶

又按始興郡有曲江今韶州也漢司馬相如弔秦二世賦臨曲江之隈州在長安以其水曲類廣陵之江今樂游園

已是

### 浙江卽漸江非岷江考

浙江之名始見於海內東經經云浙江出三天子都水經

云漸江水出三天子都注云山海經謂之浙江近日謝江  
洪震暄輩謂浙江卽岷江非漸江其說疏甚按郭注山海  
經引地理志云漸江出新安縣南蠻中東入海今錢塘  
浙江是黟卽歙也司馬彪郡國志云浙水出丹陽黟縣南  
蠻中劉昭補注卽引郭說山海經又云浙江在閩西北入  
海顧野王玉篇云浙江發源東陽新安之閒不與岷山之  
江相涉至錢塘入于海酈道元水經注亦云蓋浙源出於  
黟縣江源出於岷山有劃然難合者顧野王恐人認岷江  
爲浙江故特箸之曰不與岷山之江相涉也以曉之或曰  
許叔重說文旣云漸水出丹陽黟縣南蠻中東入海又云

浙江水東至會稽山陰爲浙江晉灼灋書注皆云江水至會稽山陰爲浙江言岷江水至會稽爲大江之流也不知叔重所云江水卽浙江之水也猶儻字下云周燕也周與大字儻連讀言儻周乃燕名也儻字下云佺仙人言儻佺與大字連讀參字下云商星也連大字讀言參商皆星非以參卽爲商星亦如河字下云出敦煌塞外昆侖之例此亦當連浙字讀若不與浙字連讀則說文漸字下云水出丹陽黟南蠻中東入海是果何水平說文此例甚多可爲左證又云江水至會稽山陰爲浙江者蓋初出名漸江至會稽山陰其流曲折乃名之曰浙江也豈必如程泰之言



岷江始稱爲江哉夫浦陽江松江亦固稱江矣卽盧江延江亦未受岷江之水亦且稱江矣卽說文泚洧沫三水皆別出者亦稱曰江矣必謂浙江爲大江之流乃得名江是未知莊子之呼濠河也或又謂浙卽是漸說文不當浙漸亦出不知浙字下注云江水東至會稽山陰爲浙江者言浙江之所由名漸字下注云水出丹陽黟南蠻中東入海言發源之所亦及其歸宿也許叔重之旨與善長相符水經注浙江出南蠻中不與岷江同信矣且漾水亦卽瀼水也說文既有漾又有瀼復何疑乎或又謂浙江卽禹貢三江之南江則大不然初學記引鄭康成說左合瀼爲北江

右會彭蠡爲南江岷江居其中則爲中江是浙江固非南江也或又以鄭說爲僞然班氏地理志於毘陵縣下云北江在北東入海於蕪湖縣下云中江水出西南東至陽羨入海吳縣下云南江在南東入海皆揚州川亦未以浙江爲南江也郭景純雖以岷江松江浙江爲三江而于山海經注又云岷山大江所出峽山南江所出岷山北江所出其說又自差互何以定浙江之必爲南江乎然旣云岷江又云浙江則固二江矣卽爾駟十三州志云江水至會稽與浙江合是黟縣所出之漸水至會稽合浙水也其言最爲分曉竝非岷江水合於浙水也漸水至山陰卽名浙水

原一水也故酈道元引地理志云江南枝分歷烏程縣南通餘姚縣則與浙江合亦與閩氏之說符又以見南江之在吳縣也元和郡縣志亦云漸江一名浙江源出休寧縣東南橫鄣山東流經歙縣又東南入睦州界又東北流入於海合之景純善長之言漸之爲浙無疑又唐六典浙江有三源一出歙州一出衢州一出婺州歷睦杭越三州界入海按今地理志蠻夸中唐盧播引作率山以解山海經之率山樂史寰宇志引山海經云漸江出三天子都在率東御覽引地理志亦作南率中羅端良新安志云率山在休寧縣東南四十里高五十七仞二十一里率水出焉是

仵蠻中者字譌也古率字仵𢆏因形近而譌或曰浙江在三代時本爲蠻夸地後人諱之改爲率中耳

### 三江考

班固漢書地理志會稽吳縣下云南江在南東入海毘陵縣下云北江在北東入海丹陽蕪湖縣下云中江出西南東至陽羨入海皆揚州川也徐堅初學記引鄭康成書注云左合濞爲北江右會彭蠡爲南江岷江居其中爲中江水經沔水下引郭璞云三江者岷江松江浙江也又郭氏山海經注云岷山大江所出也崕山南江水所出也崕山北江水所出也韋昭國語注云三江松江錢塘江浦陽江

也酈道元引庾仲初揚都賦注云今太湖東注爲松江下  
七十里有水口分流東北入海爲婁江東江入海爲東江  
與松江而三也晉顧奎吳地記亦同此說徐鍇說文繫傳  
云江出岷山至楚都名南江至潯陽爲九道名中江至南  
徐州名北江入海後孔穎達主班固陸德明兼舉韋昭顧  
奎而無所專主蘇軾主鄭康成蔡沈主顧奎庾仲初楊慎  
歸有光主郭璞曾旼程大昌易旼近世胡渭主蘇軾聚訟  
紛紜將何以折衷乎介侯氏曰蘭臺之言是也彼東坡言  
江自豫章入彭蠡而東至海爲南江自岷山至於九江彭  
蠡入於海爲中江濞過三澨大別入江會彭蠡爲北江者

卽鄭君說也夫江漢會於漢陽合流數百里至湖口而後  
與豫章江會又合流千餘里而後入海不復可指爲三矣  
且沔漢爲荊州川與揚無涉蔡氏闢之良是但九峯從庾  
仲初說大江不與以爲費疏鑿者雖小必記無施勞者雖  
大亦畧稽諸管子荀子淮南子皆云禹疏三江言三江卽  
有大江而謂未施功乎又蘇松一隅不足跨吳越也至韋  
宏嗣之說可以注國語不可以解禹貢何也酈道元水經  
注云浙江于餘暨東合浦陽江是浦陽錢塘洶濤入海而  
韋氏彊分爲二矣郭景純以岷江松江浙江爲三江較韋  
說爲長然松江乃震澤之下流浙江爲禹功所不及而以

松江爲中江浙江爲南江與導水之文不合又山海經注  
三江皆在梁州之域夫東爲北江中江皆在彭蠡以下用  
修何竟昧諸周禮職方氏云揚州其川三江惟孟堅地理  
志於北江中江南江俱曰揚州正與職方相符意以爲職  
方明則禹貢亦明也顏師古卽據此以詁禹貢之三江最  
爲眞確卽孔安國尚書導濊傳云自彭蠡江分爲三入震  
澤遂爲北江而入海正義云言三江共入震澤復分爲三  
此水遂爲北江而入于海導江傳又云有中則南可知孔  
傳實與班固說合而胡東樵詆之矣桑欽水經云沔水  
與江水合流又東過彭蠡澤又東北出居巢縣南又東過

牛渚縣南又東至石城縣分爲二其一過毘陵縣北爲北

江其一爲南江東與貴長汝水合

近時戴吉士震校本云當于東過彭蠡澤下收

云又東至石城縣分爲二其一東北流又東北出居巢縣南又東過牛渚又過毘陵縣北爲北江其一東至會稽餘姚縣東酈道元注水經遵依班氏但其援引地理志以震

入于海澤爲南江以過烏程縣南者爲南江之支流則失之誤會

考班志於吳縣下云具區澤在西南江在南於石城下云

分江水首受江東至餘姚入海在吳縣南者言其中間所

經歷自石城至餘姚入海者言其首尾是分江水與南江

爲一事而震澤不同也酈氏於中江無所考拙明謂溇魏

閒蕪湖水已不復東故水經有北江南江而無中江儻以



此夫後之欲尋三江故蹟者舍班氏之說猶之濟鴻波而棄舟楫亦徒望洋而嘆耳

九江考

史記太史公曰余登廬山觀禹疏九江淮南子云禹鑿江而通九路灋書地理志九江今廬江尋陽縣南皆東合爲大江應劭云江自尋陽分爲九郭璞江賦云流九派乎尋陽嗣後說者皆以爲九江在尋陽矣故元和志云江州尋陽郡禹貢揚荆二州之境揚州云彭蠡既豬今州南五十里彭蠡湖是也荊州云九江孔殷今州西北二十五里九江是也亦是遵前人之說而尋陽記

一曰烏江二曰蚌江三曰烏江四

曰嘉靡江五曰猷江六曰源江緣江圖一曰三里江二曰

七日陳江八曰提江九曰簡江江四曰鳥土江五曰白蚌江六曰白鳥五州江三日嘉靡

江七曰簡江八曰沙提江九曰陳江復備列其名世遂

据以解禹貢蓋牢不可破矣今按經云過九江至於東陵

今巴陵也夸陵名西陵故此爲東陵儻使九江在尋陽則

江至沙羨不迤北而行顯與經違矣山海經云洞庭之山

帝之二女居之是常游於江淵澧沅之風交瀟湘之浦是

在九江之閒出入必以飄風暴雨是九江在洞庭之證也

而楚地記本之張勃吳錄云岳之洞庭荆之九江也水經

注云九江在長沙國下鄉縣西北乃今岳之巴陵洞庭在

其西北是九江爲洞庭湖斷斷無疑朱子嘗考定九江源

委為瀟

營出道州營道縣九疑山亦名湘出安靜府興安縣

東北至潭

蒸出衡陽縣西會衡山資出五岡至益沅出

州入洞庭

蒸諸原而下合於湘一敘出辰州敘浦縣辰

州西蠻界

中至漸流出索縣東序一敘出辰州敘浦縣辰

辰州與西

江合漸流出會谿城西山中至辰州東之九水

中東流與

酉水合沅北流至鼎州東合洞庭後漢志作

蔡九峯書

傳有元水一當作無即漣而無瀟蒸後漢志作

承縣北東

注於湘臨曾氏改亦以為沅漸無辰敘酉湘資

澧九水皆

合洞庭中東入於江也而水經所云湘資沅微

澧凡五水

注為洞庭北會為大江者蓋分析五瀦耳不謂

洞庭之即

此五水也羅泌引十道四蕃志云江自鄂陵分

派為九於此合流謂之九江口亦即張須元始於鄂陵終

於江口會於桑落洲之說太康地記引劉歆說謂湖漣八水入彭蠡澤爲九江者自又一說考之史秦始皇滅楚以其都壽春而因置九江郡後王莽改豫章曰九江郡改柴桑縣曰九江亭是今九江府之所由名也安得以新室所太郡縣之名遂据之以解經乎

### 震澤考

禹貢震澤底定孔傳云震澤吳南太湖名山海經浮玉之山北望具區郭注云太湖也爾雅十薺吳越之閒曰具區注云具區今吳縣西南太湖卽震澤班氏地理志云會稽吳縣具區在西古文以爲震澤余按具區震澤太湖五湖

雖四名其實一也左傳越伐吳吳禦之笠澤笠澤亦卽震澤越語句踐之地西至於姑蔑韋昭注今太湖是是姑蔑亦震澤之別名而葉夢得以孔傳爲非孔仲達正義云餘州浸數各異而揚州浸數同處論其水謂之浸指其澤謂之數此言是矣其謂之五湖者張勃吳錄云五湖者以其周行五百里故名虞翻云太湖東通松江南通霅谿西通荆谿北通滬湖東南通韭谿凡五道故謂之五湖韋昭云五湖者胥湖蠡湖洮湖滬湖就太湖而五實一湖也陸龜蒙云太湖上稟咸池五車之氣故一水五名覈而論之仲翔宏嗣之說爲長張勃魯望雖名稱各殊道里互別皆在

太湖上下二三百里之間唯李善以洞庭彭蠡震澤巢湖  
鑑湖爲五湖司馬貞以具區洮滬彭蠡青草爲五湖以荆  
州之水爲揚潏自屬差戾今按湖亦自有五名自莫釐峯  
之東與徐侯山相值者中爲菱湖莫釐峯之西北與菱湖  
連者爲莫湖南通莫湖東逼胥口者爲胥湖長山之東曰  
游湖長山之西北連無錫老岸曰貢湖別有金鼎湖梅梁  
湖東皋里湖其潏則通謂之太湖至其言廣狹亦多不同  
越絕書云太湖周回三萬六千頃水經注引韋昭云方圓  
五百里盧熊蘇州府志引顏真卿石柱記云四萬八千頃  
王鏊姑蘇志云東西二百餘里南北一百二十里占蘇常

松三州蓋廣狹之數因平時之旱潦且古今宣洩異制自不同耳若孔傳班志皆謂在吳縣西其說非是鄭氏周禮注謂在吳南者得之

### 泮柯江考

十三州志云泮柯者江中山也水經注云泮柯江中兩山名異物志泮柯繫船棧也其山在海中小而高可以繫船俗人謂之越王泮柯遠望甚小石高不似山望之似爲一株樹在水中也班史以泮柯爲楚莊豪伐夜郎桮船處漢初卽於是地置泮柯郡特以地界荒服桑欽酈道元輩未嘗一問津宜其於江流原委畧而不詳後之人或以烏蒙

七星關水當之或以烏撒之盤江當之或以定番之濛潭當之而總未覈也夫七星關之水固東出烏江不注可渡河矣可渡源發金沙江來自吐番由雲南之麗江塩城關入中國經鶴慶姚安東川荃定諸府至四川之敘州與岷江合入於東海非若盤江之從粵入南海也且盤江兩山夾峙波濤湍盪蛟龍魚鼈之所不窟而謂可操舟耶若定番之濛潭雖注泗城州而入粵而不能入番禺且涓滴流也亦與史記所記廣數里者不符吾聞唐蒙之風諭南越也蓋嘗蹤跡之以爲夜郎臨牂柯江矣武帝遂拜爲中郎將從巴蜀徭關入因見夜郎侯多同聽蒙約束還報以爲



犍爲郡發巴蜀卒治道從夔道指泮柯江今播州夜郎地也夔道又與播近則泮柯江卽烏江無疑余縮符遵義至城北九十里有蒙渡橋爲黔蜀要路父老傳其卽唐蒙發卒治道處云常璩南中志云談指縣有不津江江有瘴氣按不津江卽今之丹江源發城南高坡又抱朴子謂泮柯有沈羽之流不知當今何水也

豚水考

海內東經云鬱水出象郡而西南注南海入須陵東南按鬱水卽豚水也瀼地地理志云泮柯郡夜郎豚水東至廣鬱又云鐔封溫水東至廣鬱入鬱又云鬱林郡廣鬱鬱水首受夜郎豚水東至四會入海水經云溫水出泮柯夜郎縣

又東至鬱林廣鬱縣爲鬱水又東至領方縣東與斤員水合東北入於鬱注云鬱水卽夜郎豚水也又按豚水亦卽泮柯江水寧陽國志云泮柯江水出南徼之東通四會至番禺入海是鬱水卽豚水豚水卽泮柯江水審矣泮柯水卽鬱林江卽駱越水亦名溫水也豚字班氏西南裔傳作遯蓋字通也遯又作遂故歸匿易遯卦之遯作遂山海經豚作逐郭注逐古豚字按逐當作遂易之彖爲豨神豨卽大豕也可知逐之宜爲遂矣

廢泮柯郡考

漢元鼎六年平且蘭遂平南且置泮柯郡後置益州以泮

柯屬焉始元二年分天下爲十三部荅陵屬荊州部犛柯屬益州部後漢州郡因之晉永嘉二年分犛柯太平厯夜郎二郡劉宋時犛柯平厯夜郎屬寧州隨開皇初置犛柯郡廢荅陵爲朗州大業初復置唐荅德三年以犛柯首領謝龍羽地置犛州貞觀元年以隨之犛柯縣置朗州荅析置恭水高山貢山耶施柯盈釋燕六縣九年以隨犛柯郡之犛柯縣置播州今平越所轄數處卽故郡地也按犛柯字形各書不同前漢作犛犛犛後漢作犛犛犛常璩寧陽國志亦作犛犛犛隨志作犛犛犛郭忠恕作犛犛犛韻書作犛犛犛或作犛犛犛亦作犛犛犛然漢書西南厯傳及宋晉志俱作犛犛犛自

當以泮柯爲是

管子中匡篇有南至吳越巴泮柯之文是泮柯春秋時已有或係後人增會

### 苟扁洞考

今永豐州之羅斛東六十里有洞在山巔寬敞幽僻人跡罕到相傳葛洪鍊丹於此余按葛洪本傳洪以年老欲鍊丹以祈遐壽聞交趾出丹求爲苟扁令至韶州爲鄧嶽所畱不得逞乃止浮羅山修鍊是稚川未嘗至交州也何爲有藥竈之遺夫臨賀之石雷公磨刀湓州之堆夸父振履軒轅鑄鼎於鼎湖委波皆是重琴播琴於歷畔積阜都名大抵皆妄者所傳也

一統志句漏山在梧州府北流石峯千百從平川中特起其巖穴皆句曲穿漏故名道書第二十二洞天也按句漏山以在梧州者爲是貴州羅斛雖與粵西接而不與北流相直志又云洞

有三石室葛洪常修鍊於此又有丹竈八仙石則亦傳聞增會之言未質之本傳也

養素堂文集卷十一

老威張 澍介侯

考二

棧道考

何仲默三秦記云自秦入蜀有三谷四道三谷者其西南曰褒谷南曰駱谷从泮入東南曰斜谷从鄜入其所从入皆殊舊謂首尾一谷非是其棧道有四从成和階文入者爲沓中陰平道鄧艾代蜀由之从兩當出者爲故道瀘高帝攻陳倉由之从褒鳳出者爲今連雲棧瀘王之南鄭由之从城固泮縣出者爲斜谷道老侯屯渭上由之此四道

三谷者關之阨塞攻取所從來固矣舊志云駱谷黨谷爲一谷褒谷斜谷同一谷者亦非按徐晃傳晃與夏侯淵拒劉備於陽平備遣陳式等絕馬鳴閣道葢利州之棧道也陽平在漢褒城西北與江關白水關爲三利州爲今之保寧廣元縣水經注褒水出衙嶺山遙大石門歷故棧道下谷俗謂千梁無柱孔明與兄瑾言云前趙子龍退軍燒壞赤崖以北閣道緣谷一百餘里其閣梁一頭入山腹其一頭立柱于水中今水大而急不可安柱此其窮極不可彊也又云頃大水暴出赤崖以南橋閣悉壞時趙子龍與鄧伯苗一戍赤崖屯田一戍赤崖石但得緣崖與伯苗相聞

而已此卽褒斜道一名石牛道子房燒絕者魏延退師而焚亦此道也後脩路者無復水中柱矣而劍州又有劍閣棧道若連雲棧道余于甲子歲曾過之爲銘

### 旱山考

詩大雅旱麓之篇毛傳朱子集傳並云旱山名未指所在按瀋地理志瀋中南鄭縣有旱山沱水所出東北入瀋寧陽國志云有池水从旱山來酈注水經沔水條云沔水東過魏興安陽縣南沔水出自旱山北注之又云沔水出瀋中南鄭縣東南旱山北至安陽縣南入于沔南鄭縣瀋水右合池水池水出旱山下有祠列石十二池卽沱字也又



按輿地紀勝旱山在南鄭縣西南二十里四峯八面南接巴山上有池水一名天池山而周地圖記云山上有雲卽雨故諺云牛頭戴旱山晦家中乾殺莫相貸然鄭氏箋云旱山之足林木茂盛者得山雲雨之潤澤固已見及此康熙間郡守滕天綬志作灋山謂因灋水而名夫灋源出嶠冢不出此山何名爲灋其說誤矣然其說實始于樂史之灋字記也

### 首陽山考

或問於余曰史記正義古所言首陽凡五也孤竹子餓處果在何許余曰在吾甘之渭源縣也曹大家幽通鑑注云

夸齊餓于首陽山在隴西首陽其說蓋不易也且不獨曹  
姬也莊子蓋先言之矣其言云伯夸叔齊西至岐陽見周  
王伐殷曰吾聞古之士遭治世不遜其任遇亂世不爲  
苟存今天下闇周德衰其於乎周以塗吾身也不若遜之  
以絜吾行二子北至於首陽之山遂飢而死其云西至岐  
陽蓋二子已到岐周也又云北至於首陽之山是出岐而  
北至首陽也且不獨蒙妄言之而二子又自言之矣其歌  
曰登彼西山兮則固西方之山也今渭源縣首陽山固在  
岐陽之西北也馬融云首陽山在河東蒲坂寧山之北河  
曲之中戴延之西征記云洛陽東北首陽山有夸齊祠許

慎說文云首陽山在遼西夫二子旣于岐周見老王不合  
自當竄身僻陋以韜晦矣何又反於通衢以閱伐紂之師  
縱哉又何能歸令支故國伯僚忍不致之餼坐視爲枯骨  
哉余故曰曹大家之說是也然後儒以首陽在蒲坂者誤  
以雷首爲首陽也以首陽在洛陽者誤以首山爲首陽也  
以爲在遼西者誤以令支爲首陽也書云導潏自鳥鼠同  
穴孔安國傳云潏水出隴西首陽縣縣蓋以山氏者

若水考

山海經南海之內黑水之閒有木名曰若木若水出焉有  
禺中之國又云灰野之山有樹焉青葉赤華厥名若木生

崑崙山而附西極也淮南子云若木在建木西有十莖其  
光照下地

按酈道元曰若木之生非一所也黑水之閒厥木斯植  
水出其下故水受其稱焉路史注若水之閒地當川蜀  
在西南方此禺中之名所由太九州要記云越嶲之臺  
登有雙諾川鸚鵡山黑水之閒若水出其下即黃帝子  
昌意降居于此

瀋書地理志若水出蜀郡旄牛縣徼外南至大笮入繩過  
郡二行千六百里

按黎州南有旄牛故城即瀋縣寧陽國志旄牛有若水

一名洲江洲一佗州酈道元曰若水東南流鮮水注之  
一名州江

水經若水出蜀郡旄牛徼外東南至故關爲若水

按司馬相如傳略定西南夸邊關益斥西至沫若水又  
曰關沫若昆若水故有關也

水經注若水沿流閒關蜀土黃帝長子昌意德劣不臣紹  
承大位降居斯水爲諸侯娶蜀山氏女生顓頊于若水之  
野有聖德二十登帝位用少昊金官之政以水德寶秣矣  
按史記黃帝之子少昊降居江水昌意降居若水索隱  
云江水若水皆在蜀卽所封國也帝子所封必不在九

州之外

水經若水南過越嶲卽都縣西直南至會無縣淹水東南流注之

按酈道元注越嶲郡治卽都縣漢孝帝開卽筰置之縣陷爲池今因名爲卽池南人謂之卽河若水又邈會無縣縣有駿馬河水出縣東高山山有天馬徑應劭云有嶲水言越此水以章休盛也又按越嶲卽今建昌郡治水經若水又東北至犍爲朱提縣西爲瀘江水

按酈道元注朱提山名也應劭曰在縣西南縣以氏焉犍爲屬國也在郡南千八百許里建安二十年太朱提

郡郡治縣故城郡西南二百里得所綰堂琅縣西北行  
上高山南中諸郡以爲至險有瀘津東去縣八十里水  
廣六七十步深十數丈多瘴氣鮮有行者後漢書建武  
十九年趙威將軍劉尙擊西夸反者棟蠶渡瀘水入益  
州郡注云瀘水一名若水出旄牛徼外經朱提至犍道  
入江益州記曰瀘水源出曲羅嚮下三百里曰瀘水又  
按瀘津爲今屏山縣之什葛營

水經若水又東北至犍道入于江

按酈道元注若水至犍道又謂之馬湖江繩水瀘水孫  
水淹水大渡水隨沒入而納通稱是以諸書錄記羣水

或言入若又言注繩亦咸言至夔道入江正是興水沿注通爲一津要無別川可以當之

朱國禎大事記金沙源出吐蕃其龍川犁牛石下謂之犁水譌爲麗佛經云拔提河一名金河池

按郡縣釋名曰賓川州東北有金沙江山海經所謂若水也

地理通釋金沙江源出諾水渾五巴什山二源一自阿六江流出一自烏斯藏流出合流至阿克拉分支一支南入雲南爲漾濞江一支南入塔城關爲麗水

按楊澤先金沙江考云金沙江源自達賴喇嘛東北烏



捏烏蘇流出譯言乳牛山也其水名母魯烏蘇東南流入喀木地昔人謂源出吐蕃後其龍川犁牛石下紆折而南謂之犁牛河犁牛即乳牛也

府縣圖志若水在建昌衛俗名打冲河自冕山營西徼外東南流至衛西鹽井營東南與雲南金沙江合金沙江源出吐蕃界至其龍山聲牛石下南流漸廣本名聲水後譌爲麗水東南流經麗江府北又東經姚安府北合打冲河又東合瀘水又東經會川營南又東至東川府西折而東北經烏蒙府西北又東北經馬湖府南又東經敘州府南而北入大江鹽井營東南即大雅縣界乃繩若合流處若

爲建昌衛之打冲河繩則姚安府北之金沙江也

四川通志鴉隴江卽古若水一名瀘水源出西蕃裏塘城

西北匝巴顏喀喇山東南流曰雜楚必拉其山西北自金

岸之阿拉巴顏喀喇嶺東爲雜佛洛巴顏喀喇嶺又東南

山麓水南流折東而東南有一水自西來會亦出此山南

阜實南源也又東南有水自東北來會蕃人呼爲又南百里

爲匝七其哈納必拉亦曰齊賢爾喀納河也

一小水自西山來注之又曲曲東南百餘里有二水北來

注之其東水曰馬木七又東八十里有水自南山中三池

山東北流注之水在助朗普北山西南山中一水東北瀝

出爲噶拉木池東北百里有水自又東有小水北來注之

西南來會又東北數十里入鴉隴

又東南有水西南來注之又有水自巴顏禿馬達巴罕西

重山中來注之又東南有水南來注之又百數十里有水

西北來注之又東南至巴顏喀拉巴林南折南又東南百

餘里有二水自西南合而來會又東百餘里土人名爲匝

楚七拉哈納必拉折東南有馬木齊齊爾哈納河自北合

諸水來會河兩源西南流合又東南百數十里有彌那

又南稍東百五十里有謝楚河來會河出牟尼范起山南

百餘里折西南有鄂宜楚爾古河自西來會河亦同敖楚

塞岡嶺北大山南流曲曲西南流二百餘里折東流二十

里東會尼雅克楚河曲曲東南流三百餘折東北八十里

入鴉又東南百六十里有水東北自噶叉哥拉嶺來會水

流折西南二百里與東南來折西南百七十里有水西北

一水會又東南百十里入鴉折西南百七十里有水西北

來注之又南八十里至馬拉木岡嶺東北折東南百餘里

又西南七十餘里至濟渡處

曰八拉馬朱蘇多湫亦曰畢爾麻諸速穆渡即喀木諸番

人東往打箭鑪販茶處也

渡在鑪邊外西二百七里又西南百里曰鵝隴江南入四

川瞻對界有小水東北來注之經安撫司西而南

自此而南江之

東岸爲四川邊界

江之西岸爲番地有三小水東北來注之又南有霸泣河

出打箭鑪西南山自東北合諸水來注之又南經喇滾司

西有水東來注之又西南折東南有二水合自東來注之

又南有二水自東北注之

蜀水經注云若水又南經噶喇

出克土百戶地爲中渡又折而東經木裏爲下渡又

裏塘諸水皆入打冲阿巴塘諸水皆入金沙江也

又東南有打冲阿自西來會折而東流鹽井河亦自西南來會

俗俱名打冲阿

河四源南源出雲南永寧土府南鏡山東北流曰開基河行百里折而北經甲毋山

西麓有水自西南來會又北會一水曰三岔河又北有水西自無量河東岸高山來會東北入四川鹽源縣西北界

甲毋山北東數十里有水西北自番界來又有瀘沽湖自西南來並舍又東入鴉隴番人名黑惠江一名納奇江既

入鴉隴又名鴉隴又名鴉隴折東曰三渡水內波浪縱橫舟楫難渡獵

獵于冬春之日用氣皮袋乘人从窩卜水又東有二水自黑巖趕到底三處過河自古未用船隻

北合注之又東受瓦尾山水折東經寧遠府西南各受小

水二始折而南三百餘里左受一小水右受五水曰左所

源縣東南流曰得石河曰淑崖河俱東南流曰那噶河西自雲南界山東流曰江果河亦自界山東南流並注之

又東南有安寧河北自冕寧縣經寧遠府合諸水南流來

會河三源北山南合三水曰瓦那河又南合西北一水又南有西源來會西源三水一東南流一東流一東北流

約二百里始台白小邨河東與北源會又南至松林西北  
有東南源水自東來會東源二水一西南流一西流百餘  
里合西流經崑山營東南受小相橫水又西南曰瀘沽至  
松林北與二源會又南曰安寧河又南有熱水河東北來  
會又南有水自東北來經遠城城南有台南來之熱水塘北  
來之城西水而西來會又折東而南有高橋河合三水東  
北來注之又南有苦馬河西來注之又東南有落腰河  
東北來注之又折西南有涼山河東北自阿泥來注之又  
西南有水東來注之又西南與打冲河會折西南經烏喇  
至分水嶺來注之又西南與打冲河會折西南經烏喇  
裸果界會金沙江在會理州西百十里南岸  
雲南大姚縣西北界也

### 合若諸水考

瀾志繩水出越嶲郡遂久縣徼外東至熨道入江過郡二  
行千四百里

按瀾志繩水南逕雲南郡之遂久縣蜻蛉水入焉水經

注云越巂邛都縣西有嶓水是嶓水即繩水矣寧陽國志遂久有繩水水經注又云山海經巴遂之山繩水出焉繩水出遂久縣徼外東南流分爲二水其一水枝流東出逕廣柔縣東流注于江其一南逕旄牛道至大筰與若水合自下亦通謂之繩水又云越嶓水即繩若又云繩水逕越嶓之馬湖江又謂之馬湖江又按遂久蜀嶓改屬雲南郡元和郡縣志繩水又名念諾水嶓志鮮水出旄牛徼外南入若水

按水經注若水東南流鮮水注之一名州江大渡水出徼外至旄牛道南流入于若水

漢志臺登縣孫水南至會無入若行七百五十里

按粵陽國志臺登有孫水一曰白沙江水經注諾水又  
逕會無縣有孫水焉孫水出臺高縣即臺登縣也一名  
白沙江南流逕邛都縣司馬相如定西南奇橋孫水即  
是水也又南至會無入若水元和志鸛州臺登縣正南  
微西至州一百七十里念諾水本名繩水流入瀘水在  
縣西北七百里自荒戎界流入長江水本名孫水出縣  
西北湖浪山下今冕山營東北有孫水亦名西瀘水臺  
登即今冕寧縣是孫水又名白沙江西瀘水矣

水經注大渡水出微外至旄牛道南流入于若水



按大渡南逕越巂邛都縣西黎州南有旄牛故城卽瀘縣師古曰西南之徼猶北方塞也

水經注若水南逕雲南郡之遂久縣蜻蛉水入焉

按蜻蛉水出蜻蛉縣西東逕其縣下又東注于繩水也瀘志蜻蛉縣禺同山有金馬碧雞蜀水經曰大姚河又西受鐵索箐水又南受小谿水又東北入瀘

水經若水南過越巂邛都縣西直南至會無縣淹水東南流注之

按酈注繩水又經三絳縣西又逕姑復縣北對三絳縣淹水注之三絳一曰小會無故經曰淹至會無注若水

水經淹水出越巂遂久縣徼外東南至蜻蛉縣又東過姑復縣南東入于若水

按酈道元注吕忱曰淹水一曰復水也蜻蛉縣有禺同山其山神有金馬碧雞淹水逕縣之臨池澤而東北逕雲南縣西東北注若水

瀼志益州郡弄棟縣東農山母血水出北至三絳南入繩行五百一十里

按水經注若水又與母血水合水出益州郡弄棟縣東農山母血谷北流逕三絳縣南北入繩

瀼志益州郡牧靡縣南山臘涂水所出西北至越巂入繩

過郡二行千二十里

按水經注繩水又東涂水注之水出建寧郡之牧靡南山涂水導源臘谷西北流至越巂入繩

水經注葉榆水自不韋縣南逕遂久縣東又逕姑復縣西與淹水合

按瀼志益州郡有葉榆縣葉榆澤在縣東貪水首受蜻蛉南至永昌邪龍入濮

瀼志卑水通繩水

按瀼志卑晉班陽國志卑水通馬湖水經注繩水又逕越巂郡之馬湖縣謂之馬湖江又左合卑水水出卑

水縣而東流注馬湖江也。寧陽國志建興二年高定元自旄牛定笮卑水多爲壘守丞相亮軍卑水名勝志龍湖在大江二百里與江水同消長。日夕作潮相傳有龍馬潛其中一名馬湖。馬湖縣爲四川之馬湖府。康熙時改爲屏山縣。寧陽國志旄道治馬湖江會水通越巂。馬湖江卽古之若水也。馬湖江從州正南流入東郭。與蜀江合下達于荆南源出雲南而來。諸葛亮云五月渡瀘卽此水之上流也。

元和郡縣志黑水出胡藍山生獠界東海流入蜀江。唐天寶六年改爲阜水。

板輿地志寧陽黑水惟梁州注云黑水出今南寧州南廣縣後關山至興道縣入江也

蜀水經西寧河源出龍馬山爲龍湖南流爲沔都谿又南逕西寧隘又南受鄆谿又東南受東興谿又受團魚谿瑪瑙谿什葛谿什葛谿源出小悍山東受芭蕉谿又東受神木山之黃鍾谿又受陽邨之瓜露水又東入西寧河

按馬湖自黎州山東南流入黃鍾谿東北受二水又東北受芭蕉谿折東南有水北來注之又東北有水北來注之又南入金沙其水皆在今屏山縣

水經注禁水又北注瀘津水又東逕不韋縣北而東北流

有瘴氣

蓋州記瀘水源出曲羅嶺下三百里曰瀘水兩峯有殺氣暑月舊不行故舊侯以夏渡爲艱瀘水又下合諸水

按瀘水出曲羅嶺其地當在若水之東下流合若水故若水兼瀘水之目後漢書劉尚銅渡瀘水入蓋州界李賢注瀘水一名若水

太公釣潘谿考

呂望生于伋故鼓刀朝歌賣漿棘津爲妻所棄故退居東海後欲干文王遂赴周而釣于渭此定說也水經注云渭水至郁胥谿谿水注之水出南山茲谷激流注谿積成川

卽滋泉也太公釣此可知滋泉之卽潘谿矣書中侯云呂  
尙釣渭魚腹得玉璜亦璜谿之所由名而列仙傳以爲釣  
于卞谿卞谿爲汲北石夾谷水文王在岐豐豈遠獵於汲  
而載之後車哉太抵古人游釣之所率多埧會舜漁于雷  
澤在濟陰或以在吳西者當之皋繇漁於濊澤在陽城或  
以河濱岸當之最叵信

### 澹臺墓考

江西南昌府城內東湖上總持院後有澹臺滅明墓蓋始  
于宋漕使高述題曰魯澹臺子羽之墓後程大昌築祠于  
旁堂曰友教知府范涑重修後人遂以爲眞子羽之幽宮

也考陳畱風俗傳陳畱縣裴氏鄉有澹臺子羽冢又有子羽祠民祈禱焉京相璠土地名今泰山南茌城縣有子羽冢括地志子羽墓在泰山南茌城縣蓋子羽本泰山人故葬於南茌城則裴氏之墓自屬埵會史記正義則以子羽墓在兗州鄒城又謂今蘇州城南五里有澹臺湖湖北有澹臺墓太平寰宇記亦言澹臺墓在吳縣南十八里皆傳聞之譌而程大昌以史記有南游至楚之言謂子羽居楚而卒葬於此則大惑史記本佗南游至江水經注投璧斬蛟是渡河事故在河水篇郡國志云曹州離狐縣有延津爲子羽投璧斷蛟處亦非渡江事也難者曰子以此墓爲



非子羽則所謂澹臺者果何人也曰此蓋子羽之子之墓也博物志云澹臺子羽子澹水溺死將葬之滅明曰此命也吾豈與螻蟻爲親戚魚鼈爲仇讐耶遂以葬之此堦芻者必其子侍游溺葬于此如季札斃博成塋而遂行耳若史記索隱言吳縣南有澹臺湖蓋溼之澹臺恭也謝承書曰澹臺敬伯名恭會稽人受業于淮陽薛溼習韓詩爲博士此必由會稽栖遲至此故有游釣之湖死亦必葬於此故樂史據圖志言吳縣南有澹臺墓也後人遂以子羽當之譌矣江城名蹟記以爲南平王鍾傳入洪州命掘墓塋修城傳夢一人古服頎長覺問謁吏賓客有市老羅通以

爲子羽先生墓此亦影撰之說曷足信哉今進賢門亦曰  
澹臺門考雷次宗豫章記郡爲瀘嬰所築有六門一南門  
二松陽門三章門四昌門五舉門六永和門王孚安成記  
舊有六門今爲八門亦無澹臺門可知皆後人之妄造矣

尹吉甫子伯奇考

水經注揚雄琴清英曰尹吉甫子伯奇至孝後母譖之自  
投江中衣沾帶藻忽夢見水仙賜其美藥思惟養親揚聲  
悲歌舩人聞而學之吉甫聞舩人之聲疑似伯奇援琴作  
子安之操澍按琴操亦言之江陽今瀘州子雲蜀人以此  
事敘入江陽是以尹氏爲江陽人也明一統志云尹吉甫

房陵人食采於房卒葬房之青峯山其言毫無左證鄭樵  
氏族畧云尹氏少昊之子封于尹城因以爲氏子孫世爲  
周卿士食采于尹今汾州有尹吉甫墓太平寰宇記云尹  
吉甫墓在南皮縣西三十里高三丈耆老傳云吉甫墓上  
有樹二株自有豕以來卽有此樹柯條鬱茂不覺其老俗  
呼年長樹則吉甫之非蜀人灼然矣夫尹氏世爲周氏宗  
族椒繁粥饒遠聞而吉甫能賢涼佐中興誦聲清穆從以  
掇峰聽讒孝子被放采梲履霜頭髮早白小弁是伯隕涕  
我辰伯封尋求爲賤黍離異鳥鳴桑棲蓋悲切曾氏伯鑒  
不免世譴耳今瀘州志云伯奇投江後太師葬之魑子山

下魑子寺後墓尙存又云伯奇投江不沈又云吉甫夫人伯奇母馬氏有周尹夫人馬氏墓在州東尖峰山皆妄語也曹植惡鳥論言吉甫收奇未嘗投江則失之說苑獨云王國君前母子伯奇後母子伯封亦異聞也

### 揚信考

劉向別錄揚信字子烏雄第二子而聰慧雄算予經不會子烏令作九數而得之雄又擬易羝羊觸藩彌日不就子烏曰大人何不云荷戟入榛澍拔烏爲字信爲名也而袁文甕牖閒評以揚子育而不茁者吾家之童爲句烏乎爲句謂子雲歎其子童蒙而早亾故曰烏乎卽嗚呼字且以

蘇東坡張芸叟用童烏爲錯考文士傳溼桓麟答客詩曰  
伊彼揚烏命世稱賢客示桓麟詩亦曰揚烏九齡此豈作  
歎辭解乎近人有拾其餘唾者亦疏陋之甚又常璩言童  
烏七歲預予文九歲而夭志亦作七歲問神篇則言九歲  
預予文徵以客示元龍之詩言九歲者是桓譚新論曰揚  
子雲爲郎居長安素貧比歲凶其兩男哀痛之皆持喪歸  
葬于蜀以此困乏雄察達聖道明于死生宜不下季札然  
而慕怨死子不能以義割恩自令多費而致困貧也

王喬樾爲人考

水經注沔陽北山者王喬所升之山也史記索隱顧氏案

裴秀冀州記云緱氏仙人唐者昔有王喬槌爲萑陽人爲  
柏人令于此得仙澍按裴說在酈道元之前未知何據任  
豫諱州記萑陽縣有王喬祠今在縣西嶧陽國志槌爲郡  
治輿道後徙萑陽王喬升其北山可知喬之爲萑陽人也  
水經注又云梁國蒙縣薄伐城內有王子喬冢有碑題曰  
仙人王子喬碑曰王子喬者蓋上世之真人聞其仙不知  
興何代也博問道家或言潁川或言產蒙初建此城則有  
斯丘是又以王子喬爲潁川蒙縣者也北夢瑣言載馬郁  
贈韓定求詩曰別後嚙嵒山上望羨君無語無語二字又一本作時復  
對王喬仙傳言王喬爲柏人令于東北嚙嵒山得道後漢

書王喬河東人顯宗世爲葉令朝會日雙鳧飛來羅得係  
所賜尙書官履或曰此卽古仙人王子喬也是爲柏人令  
者一王喬食肉芝而仙者卽蜀人也爲葉令飛鳧者一王  
喬皆非緱山控鶴吹笙之王子晉也列仙傳真誥謂子晉  
卽爲王子喬疑非是

萇弘不葬蜀考

拾遺記周靈王時有萇弘能招致神異王乃登昆昭之臺  
望雲氣蔚鬱忽見二人乘雲而至須髮皆黃非世俗之類  
也乘游龍飛鳳之輦駕以青螭其衣皆絳緝羽毛也王卽  
迎之上席時天下大旱地裂火然一人先唱能爲雪霜引

氣一噴則雲起雪飛坐者皆凜然宮中池水堅久可琢又設狐腋素裘紫氍毹文褥氍毹是西域所獻也施於臺上坐者皆溫又有一人唱能使卽席爲爰乃以指彈席上而暄風入室裘褥皆棄於臺下時有容成子諫曰大王以天下爲家而染異術使變夏改寒以誣百姓文王周公之所不取也王乃疏萇卬而求正諫之士時異方貢玉人卬鏡此卬色如月照面如雪謂之月鏡有玉人機炭自能動轉萇卬言於王曰聖德所招也故周人以萇卬幸嬖而殺之流血成卬或言成碧不見其尸矣澍按蜀自漢以來多通術數其學蓋原於萇卬淮南汜論訓云萇卬周室之執數者



也天地之氣日月之行風雨之變律厯之數無所不通然而不能自知車裂而死史記天官書云省之傳天數者周室史佚萇弔封禪書云萇弔以方事周靈王諸侯莫朝周周力少萇弔乃明鬼神事設貍首者射諸侯之不來者依物怪欲以致諸侯諸侯不從而晉人執殺萇弔皆以殺弔在靈王時而左傳則在敬王之世夫弔依古禮以招諸侯當時來違天之議後世興依怪之誚可謂忠不見諒矣又莊子云萇弔脰膈淮南子云萇弔鉞裂而死又云車裂而死呂氏春秋云殲其血三年化爲碧玉王子年云血流爲石寧陽國志萇弔之血變爲碧珠皇覽云萇弔冢在洛陽

東北邙山上史記集解封禪書續郡國志補注曰雒陽縣  
東北有萇弘冢郡國志云周人萇弘無辜見殺今洛中有  
祠存謂撞鐘祠也是周以趙鞅故殺萇弘葬於成周審矣  
而蜀中碧血不知何來莊子外物篇云萇弘死於蜀埋其  
血三年化爲碧司馬彪注萇弘忠而流故其血不朽而化  
爲碧徐鍇云道家曰積精成青碧亦精氣之所爲也宋林  
慮莊子口義云萇弘被放歸蜀刳腸而死蜀人以匱藏其  
血三年化爲碧玉顯與左傳國語違戾仙傳拾遺周末殺  
萇弘於蜀其血碧色入地化爲碧玉數里內土皆青色今  
蜀有青泥坊卽弘死處而韓子內儲說謂叔向讒萇弘又

僞爲弔書伴遺其書于周庭周以弔爲賣周也而殺之說  
苑亦云然則時代僻錯矣襄弔左傳國語又謂之襄叔韋  
昭注叔襄弔字也漢蒯文志陰陽家有襄弔十五篇

莊豪考

史記云楚威王遣將莊躡從沅水伐夜郎滅之遂至滇池  
後漢書作楚頃王遣將莊豪二說違異按楚威王于周顯  
王十年去至四十年薨在位十年至赧王三十五年秦始  
取楚黔中歷顯王之八年慎觀王之五年相距四十八年  
也如爲威王時事則躡在滇已五十餘年矣何以稽久不  
躡攷頃襄王之去也在赧王十六年距秦取地十九年躡

之奉使至滇值楚道不通當在此時矣商子弱民篇荀子  
議兵篇韓詩外傳史記禮書亦有莊躡起而楚分之語皆  
不言在何時韓非喻老篇載楚莊王欲伐越杜予說曰莊  
躡爲盜於境內以爲在莊王時呂氏春秋介之篇莊躡暴  
郢高誘注以爲楚成王時則又在前皆非也史記作莊躡  
前漢書仍之後漢書作莊豪陽國志作躡云楚莊王苗  
裔通鑑莊豹注莊姓朱戴莊之族有出於楚者莊躡是也  
亦作豪蓋豪即躡古音相通字亦相借雲南志謂豪爲躡  
之裔者無據之說也

### 竹王考

夜郎竹王事班氏南戶傳詳言之今楊老黃絲驛皆有竹

二郎竹三郎祠土人禱祀維謹田山蠶著論以與盤瓠蠶

叢杜魄荆尸悉爲謬悠蒙竊以爲不然夫秘電繞斗於符

寶長虹曳采於霄霄東過吞玉筐之燕姜嫫履巨人之跡

載在選籍難云誣矣卽徐偃破卵於鵠倉括地志鵠倉一名后倉朱

蒙感精於河伯蘿林之子紹統檀君朱耶之先載育枯樹

著有前聞皆可證驗至若齊頃無野之誕狸乳芊嫫葵離

東明之生豕喚馬噓烏孫王昆莫之擲飛鳥銜肉以哺之

世羅優比北之降鶴胎醢豐以出之凡此瑰異豈鄉壁虛

造哉或曰子之說信辯矣水經注云所捐破竹於埜成林

又云王嘗從人止大石上命佗羹從者白無水王以劍擊  
石石即出水無乃奇誕不實乎予曰六合之內其包遠矣  
幽致冲妙雖本以情萬象遐淵思絕根尋筭夸父棄策蔚  
爲鄧林蚩尤委械叢爲楓樹畢子之經可按已彼貳師征  
敵嶺出飛泉姜詩養親室涌江水精誠所結天怛靈驅又  
况范文之鯁刀所鄣廩君之土舟浮流沙壺後漢書作沙壺之龍  
語元隆句麗之鼃橋獲濟悉是舊聞難比影說知乎此則  
啟生鱗石摯呱空桑事同目習言非空誣又何疑於竹王  
之不自竹生哉路史注竹姓出於蠶台東筦竹氏後漢樅楊侯竹晏後報怨不改姓加二以存夸齊  
而遷於苕侍中竺曾其孫也  
夜郎竹初宜本此其說無據

王次仲非溷人考

水經注王次仲上言人變蒼頡舊文爲今隸書秦始皇時  
官務煩多以次仲所易文簡便于事要召之三徵不至大  
怒乃令檻車送之次仲首發于道化爲大鳥飛去落翮于  
其山上是次仲秦人也蔡邕書勢云上谷王次仲始作楷  
書至漢靈帝好書時多能者蓋言王次仲始作楷法至靈  
帝時多有能爲楷者王愔文字志王次仲建初章帝時人  
作八分書或又云溷王次仲爲上谷太守非上谷人豈非  
夢語夫秦之次仲旣作八分楷法漢之次仲又作八分楷  
法乎蓋緣誤讀伯喈之言耳宋程迥朱長文等遂沿其說

大是贖贖

樾爲郡文學卒史臣舍人考

陸德明經典釋文敘錄云爾雅有樾爲文學註三卷爾中  
卷七錄云樾爲文學爾雅三卷澍按樾爲文學卽與東方  
朔同時待詔爲隱語被榜呼譽之郭舍人也西京雜記言  
其善投壺爾雅疏引舍人文選羽獵賦注引作郭舍人一  
云樾爲郡文學卒史臣舍人又按漢書儒林傳有文學掌  
故當是兩官漢舊儀博士弟子射策甲科補郎中乙科補  
掌故而不言丙科疑丙科則文學也漢書又云擇掌故補  
中二千石屬文學掌故補郡屬通考注云掌故尊於文學



掌故竊意下掌故二字衍文晁錯以文學爲太常掌故兒  
寬射策乙科爲掌故房鳳射策乙科爲大史掌故俱不言  
文學可證其爲兩官也漢官儀太史有掌故三十人又云  
卒史皆秩二百石王莽時甲科四十人補郎中乙科二十  
人補太子舍人丙科四十人補文學掌故丙科僭於乙科  
疑是兩官而統言之言補文學亦補掌故也而如淳注引  
漢儀曰科補郎中乙科補太子舍人與王莽同次補郡國  
文學則丙科也亦不言掌故然以如淳所引考之則郡國  
各自有文學也漢有零陵文學掾奚景巴郡文學掾平直  
是已漢書又云博士弟子通一藝以上者補文學掌故缺

有吏百石通一秩以上者補卒史按卒史秩不同中二千  
石二千石之卒史則秩比二百石以上及百石也郡太守  
卒史則比百石以下也傳所云秩比二百石以上及吏百  
石卽左右內史大行卒史也比百石以下卽太守卒史也  
皆史之倒文補中二千石屬左右內史大行卒史也郡屬  
卽郡太守卒史也亦史之異文臣瓚注卒史秩百石此以  
郡國卒史言也如張敞以鄉有秩補太守卒史朱邑以桐  
鄉嗇夫遷補太守卒史是也元帝時始置郡國五經百石  
卒史蔡邕傳邕書石經太學門外号鴻都石經郡設卒  
史視之此卽五經百石卒史也通鑑吏通一秩以上者請

皆選擇以爲右職胡三省注吏謂百石以上及比百石以下也右職謂中二千石之卒史也按儒林傳選擇其秩比二百石以上卽吏百石此言選擇吏秩與文學掌故相次者卽左右內史大行卒史也兒寬以射策爲掌故卽次補廷尉文學卒史正是其例比百石以下卽郡太守卒史滑稽傳有文學卒史王先生是已通鑑因百石有吏字謂選擇其吏之通一統以上者而未嘗考其前後之文義也以爲右職本出文翁傳顏注郡中高職謂掾曹之屬黃霸爲左馮翊以霸入財爲官不補右職則卒史非右職明矣又按廷尉有文學卒史則九卿應皆有之不特左右內史大

行也史文特舉其例耳劉昭注續漢書百官引應劭漢官  
儀河南尹百石卒史二百五十人水經注爲妄人改作百  
夫吏卒近人戴震知百夫之舛仍曰百石吏卒杜佑通典  
三國志譌爲百石吏卒皆非也樵爲郡文學卒史臣舍人  
當是初爲郡文學後爲太守卒史以能談諧善投壺入爲  
待詔舍人也凡卒史皆用本郡人祿百石獨三輔郡得用  
它郡人而卒史獨二百石所謂尤異者也見如淳漢書注  
翁學士方綱以文學舍人爲二人錢少詹大昕以爲姓舍  
名人尤謬陸德明言所注爾雅闕中卷故自釋訓以下釋  
草以上並無一語見釋文及注疏惟齊民要術引釋器一

條水經注引釋器二條賈鄴二人著書在前必見全本也